

QVÆSTIO MEDICA

Quodlibetariis disputationibus manè discutienda in Scholis
Medicorum die jovis 11. Februarij.

M. LVDOVICO MORIN, Doctore Medico, Præfide.

An motus spirituum ab æthere?

I.

HÆc rerum universitas penè infinita, legibus ab autore positis regitur: secundum quas divisa & agitata, absque fortuito minimarum particularum concursu, corpora variè formata & figurata producit. Ea duplicis sunt generis, cælestia & terrena, non aliis distincta notis, nisi quod hæc vertuntur suprà & pellucunt, illa & obscurantur, & quasi in medio conversionis sedent. Vtraque generationi & corruptioni subjecta, multiplices subeunt formas, longè tamen plures terrestria. Astra quandoque nova apparent, vetera quandoque extabescunt & extinguuntur. Stellæ inerrantes, quarum conspicuarum numerus definitur: vagæ, quæ plures quàm antiquis jam habentur, suis quæque in orbibus posita, amplissimis ab invicem sejunguntur intervallis. Primæ in medio suæ spheræ quasi quietæ sedent, alteræ expeditissima celeritate sui orbis circulum describunt. Stella crinita, quasi minorum gentium fatale portentum, nullarum tamen calamitatum prænuncia; quæ supra orbem quem tenet Luna, generatur, aliquam in cælo corruptionem *ἐκκαύσις* philosopho ostendit; nullam vero qui infra eundem à sole ad quandam altitudinem collocato in nubibus, admirabili specie arcus efficitur, non quodammodo, sed sincerè coloratus. Insignis vis & illustris facies solis & lunæ terram maximè administrant. Hæc à solis salutaris calore percoquitur, vestiturque herbis, floribus, fructibusque insatiabilis varietatis. Æstus maritimi, fretorumque angustiarum ortu aut obitu lunæ, quæ inæquabili motu fertur, tantum commoventur. Cætera sidera quem in finem fabricata, unus qui fecit, noverit. In terræ commodum, quæ ad universi cæli complexum quasi puncti instar obtinet, micare velle, Astrologorum vana est opinio, non sapientium sententia. Sed hæc tam grandis machina omni arte excellentior, in qua nec oculus licet instrumentis adjutus, nec mens ipsa ullam oram ultimi videt, sustinetur ab æthere, qui omnem motum conservat & largitur, qui tenuissimus & cujusque figuræ capax, ultro citroque commans, ut plurimum legitimus, raro alienis corporibus confusus, immanis cæli spatia replet, mundique continentem efficit.

II.

Hvjus continentis terra, pars è minoribus una, globosa, propriisque & alienis nutibus conglobata, ut corpora cælestia: qua mundi sede locetur, audeat dicere, qui vel mente vel instrumentis universum metitus est. Hæc omnis generis animalium alerix, quæ rotunda conversione Soli obversatur, aere, animali spirabilique natura, cui non obistente contentione gravitatis & ponderum innatat, &

quā ad vivendum egent animantes, longē lateque circumfunditur. Terram quidem æther cingeret & coerceret, sed ær illo crassior ex terræ expirationibus, quibus quodammodo alitur, natus, hanc proximē ambit. Terra nempe à subditis ignibus, unde quorundam montium flammæ vomitiones, & calidæ fontium perennitates, agitata, ab intimo sinu profundit materiam aëream. Quinetiam beneficis sol, calore suo ab aquis & prima terræ superficie humorem elicit, qui extenuatus & dissipatus in sublime fertur, concretus & liquorem colligens, terram auget imbribus fecundissimis, ἐν αἰσιν ἑωικται ἡ σπυμικται τὸ ἐμβέριον. Aëris moles determinata, non altos exuperat montes. Ab æthere tenet quod moveatur, à quo si deferatur, in terrenam soliditatem cogitur. Ab hac concrezione ad supremam subtilitatem diversi sunt gravitatis ordines. Levissimus ætheri continuatus jungitur, καθυπερδύται nobis finitimi gravitas variatur accessione partium à terra & aqua deciduarum. Vt terram, sic animalium corpora continere suadet admoio cucurbitularum. Ille huc illuc effluens ventos facit, rem ab igne robur- tissimam, in cursibus maritimis dirigendis, & in citandis amplissimis motionibus. Frigus & calorem quoque suscipit, uni non magis addictus quam alteri. Pro loco- rum ratione distinguitur, nec ventorum vi jactatus, indolis quam à terra mutatur, tenacissimus, commutatur.

III.

Homo terræ pars minima, multò minor universi, pluris tamen æstimandus quàm omnis mundus, perpetuam in corpore facit jacturam. Inlatus calor multiplex partium genus, quarum nulla supervacanea, plurimæ ad vitam necessa- riæ, simul concordi amicitia & charitate complectitur, depopulatur eadem quā externus destruedi potentia. Vix ortum periret animal, nisi fame, siti, & respi- ratione, quæ sunt corporis ita constituti necessaria affectiones, moveretur ad damna rescarcienda. Hinc cibo, potione & spiritu vitam tenet homo, ut & ceteræ animantes, præter pisces, quibus anima denegatur. His duobus ad aliquot dies, imò & hebdomadas abstinere possunt, hoc ultimo, ne momento quidem, carere. Is nempe calor viget, à quo totum corpus faciliè ignesceret, quique brevi extingueretur, nisi adminiculis foris allatis connutiretur. Aridum & humidum in ore præpara- tum, & à variis musculis per gulam depressum mutat & concoquit stomachus, utriusque receptaculum. Animalem cibum mitigat τενδρυσάδης pulmo, altera pars in qua raritas inest, & spongiis assimilis mollitudo. Hæc coagmentatio pelli- cularum singulari solertia compactarum, per multas vesiculas, sibi invicem per- vias, & communi membranâ terminatas, complexu suo tenet. His conceptus ær volvitur & revolvitur mira agilitate. Nervis etiam nobilibus instruitur pulmo, sed ad sensum potius quàm ad motum. Vna musculorum caro à spiritibus motum ha- bet, quæ non est pulmonis forma. Hic thorace explicato, in ampliorem assurgit molem: Explicatur porrò thorax à musculis, quorum figuram eadem lege conse- quitur, ac in mechanice pondus rem moventem. Ea est spiritus substantiæ tenuissimæ ἰστροπία, ut multas fibras fragiles contrahens, res magnitudine dispares ferat.

IV.

Musculi intercostales duplicis sunt ordinis, subjecti & impositi, se se interfe- cantes & unam omnino edentes actionem: cum breviores evadunt, fibræque in via, quam non rectam sed intercursam insistant, minorem angulum constituunt,

costas, quas inter minus oblique tunc jacent, adducunt. Illud idem opus, ut & alij muscoli, multum promover magnus ille serratus, qui Vertebrarum transversis & rectis Apophyibus, velut fundamento firmissimo innixus, multis productis fibris, costas sursum ducit validissimè. Tantò verò aperitur pectus, quantò à pericardii plano dimoventur costæ: cujus digressionis ultima meta ne transeat, qua in re beneficium respirationis evanesceret, faciunt muscoli. Attamen naturaliter procedens respiratio, non tanto eget apparatu, solis intercostalibus musculis & uno diaphragmate contenta, quòd flabelli instar deorsum contendens, aut ad curvam rediens figuram, avehendo revehendoque aëri prospicit. Fætum in matris utero conclusum non respirare certum est: statim atque in auras erumpit, ab aëre occupatur, aëremque occupat, quasi exitum non affectaret, nisi cum æquabiliter conituntur omnes muscoli, quo in conatu, qui motus respirationis musculorum semel est inchoatus, fit necessarius ad propulsionem sanguinis per novas vias, & ad hauriendam materiam movendis sanguini & spiritibus idoneam. Tumefactis musculis, clatogue pectore, aëris qui pulmones subit, primam vim & frigiditatem elidit in itinere posita epiglottis: quæ si desideretur, vel morbo exesa vel exca ferro, in tabis periculum incidit pulmo. Ejus ubi altos cuniculos penetravit aër, quidquid in eo tenuius & subtilius est, sanguini quem accelerat, admixtus unà cum æthere ad cor transilit, secretâ crassiori velut excrementitia, qualis videtur rejici per expirationem, cum inspiratus sub sensum non caderet. Hinc ad spirituum & sanguinis bonitatem plurimum refert, quo cælo utaris, quia aër minus conveniens hæret in viis variarum affectionum causa. Inde etiam alij pro varia pulmonis affectione aspirationem tenuis & sereni cæli appetunt, alij humidi & caliginosi. Æther corde conclusus, quòd quasi artifex vitam perpetuò cudit, sanguinem accendit, cujus particula ab æthere circumambiente agitata, motum obtinent perniciosissimum, & in spiritus evadunt omnis actionis administratos. Arteriæ à sanguine spiritibus gravidato affatim irruente micare non desinunt velut igneo motu, per quem vitalis aura fertur etiam ad distitissimas partes. Qui spiritus celeriores sunt, rectà in cerebrum, quod continentium artieriarum impulsione sequitur, magno impetu convolant, ubi à sanguine, cui immergebantur, liberati, virtutem novam acquirunt, & in instrumentis vagantes, uno æthere subvecti, nobiliorem animalis partem constituunt. Anima tamen domina & regina formarum, quæ in cerebro maxime, velut in *pegymus* sedet, aliunde concitatos spiritus ad libitum dirigit.

V.

Cum itaque æther in omni sensu sit natura, quæ mundo continetur, necesse est huic inesse omnium actionum principatum. Actiones tres præcipuæ, lux, motus, & calor, sæpius conjunctæ, vixque separabiles. Vim Solis quam lucem dicimus, transmittit æther certo quodam modo agitur. Consumili fere ratione igneus est, & æquabili perfunditur calore, quem ratio videt, non attingit sensus. Motum omnem ab æthere promanare efficitur, ex eo quod majora corpora motum sensim dependant, & rependant minoribus, quæ iterum acceptum motum minimis conferunt, donec ad ultima sive ætherem deventum sit. Scilicet ut stet natura, motus & calor in æthere, ut in sacrario, reconditur, nec è silice eliceretur scintilla, si omni calore privaretur æther, imò ille nullus foret, si nullus in eo motus aut calor inesset. Motus unus & idem, celeritate tantum & tarditate differt, calor in igne non idem ac in manu, hic sensus doloris est, ibi pabulo adjunctus æther con-

4

fectior est & consumptor omnium, licet sincerus æther non se disturbet ac dissipet. Quidquid vivit, propter inclusum in se calorem vivit, calor ille ætheri debet quod sit vitalis & salutaris: Fluido sanguini, quem conditum commodus servat locus, æther sociatus, calorem facit: Idem filamentis spermaticis partibusque una cum sanguine in alimoniam facessente quasi inhærens, calor est insitus: fluit semper æther & inde nomen, *ἀέρι θέει μετ' αὐτῷ ἀέρι πᾶσι*. At cum sit ubique sparsus, effluenti alter succedit absque viventium incommodo. In animalium corpora uberius influit, ob adaptatas vias. Propter cor se recipit maxime, unde velut à certo loco in omne corpus expanditur. Ab aere in terrestri & pennigerum genus transit, ab aquâ in aquaticæ. Branchiis excepta aqua osseo operculo contegitur, comprimensque vasa adjacentia velocitatem addit sanguini minus calido: quâ in compressione & nitidiorem aquam & ætherem permeare suadet ratio. Quod sanguis in unam partem potius quam in alteram influat, cordis & vasorum structura refertur acceptum: quod vero *ἀέρις ἐξ αὐτοῦ* non moretur in pulmone, facit spiritu aër ductus, qui ejus motum concitat, quemadmodum arteriis & venis exceptus, vasorum & partium vi systolicâ promovetur. Æther solus absque aere gubernandis viventium corporibus non sufficit. Arte enecta animalia, arte immixtus aer ad vitam revocat. Per pulmones finitum sanguinis motum excitat aura spirabilis, non spernendo argumento recens submersorum corporum flammam consopitam artificio renasci posse. Cor animantis alicujus evulsam etiam torpens frigore, adjuncto igne, ita mobiliter palpitat, ut imitetur naturalem celeritatem. Ab igne elapsæ partes, quas æther impellit ad modum spirituum, hanc produciunt. Hac non præjudicata opinione, sed rationis momentis inquirimus.

Ergo spirituum motus ab æthere,

Domini Doctores disputaturi.

M. Ludovicus Morin.
Præses.

M. Raymundus Finot.

M. Claudius Guerin.

M. Petrus Lombard.

M. Robertus Raoult.

M. Mathurin Denyau.

M. Philippus Maiben.

M. Mathæus Thuillier.

Professor Regius.

M. Claudius Germain.

Proponebat Parisiis LUDOVICVS LABBE' Claromontanus
Bellovacensis A. R. S. H. MDCLXXIII